


Ymgyrch golff newydd yn taro'r nod



llun: eyeimagery

TOURISM
PARTNERSHIP
North Wales



PARTNERIAETH
TWRISTIAETH
Gogledd Cymru

01745 589020



adventure



attractions



short breaks



gardens



golf



moviemap



walking



walled towns



giants



events



ambassadors



Ariennir gan
Lywodraeth
Cymru
Funded by
Welsh Assembly
Government

Ymgyrch golff newydd yn taro'r nod

Mae clybiau golff ledled Gogledd Cymru yn manteisio ar "lwyddiant aruthrol" gwasanaeth archebu ar-lein newydd.

Mae penderfyniad Partneriaeth Twristiaeth Gogledd Cymru i ganolbwyntio ei hymdrechion marchnata ar y rhyngwrdd yn talu ar ei ganfed.

O ganlyniad, bu cynnydd enfawr mewn archebion ar-lein sydd wedi cynhyrchu bron i £500,000 mewn ffioedd grŵn yn ystod y tair blynedd diwethaf.

Wrth wraidd llwyddiant yr ymgyrch mae'r wefan www.golf-northwales.co.uk a grëwyd gan y

cwmni amser tîo blaenllaw, BRS, ac sy'n cael ei rhedeg ganddo.

Yn ogystal ag archebu ar-lein gall cwsmeriaid weld lluniau o'r gwahanol gyrsgau golff ynghyd â manylion am gynigion arbennig a llety cyfagos.

Hyd yn hyn, mae 19 o glybiau ar draws y rhanbarth wedi ymuno â'r cynllun ac mae mwy yn ymuno drwy'r amser.

Yn ôl y Bartneriaeth Twristiaeth, mae hefyd wedi gallu manteisio ar y cynnydd mewn diddordeb a grëwyd yn sgil pencampwriaeth Cwpan Ryder sy'n cael ei chynnal yn y Celtic Manor, Casnewydd, yn nes ymlaen eleni.

Ar ôl y Gemau Olympaidd a Chwpan y Byd, dyma'r trydydd digwyddiad o ran maint yng nghalendr chwaraeon y byd.

Mae Carole Startin, Swyddog Marchnata Gweithredol y Bartneriaeth Twristiaeth, wrth ei bodd fod y gwasanaeth archebu yn profi i fod yn gymaint o lwyddiant.

Meddai: "Mae'n llwyddiant anhygoel. Bellach mae'r clybiau wedi sicrhau 6,687 o archebion sydd wedi denu 19,426 o olffwyr i Ogledd Cymru.

"Maen nhw wedi cynhyrchu £468,351 mewn refeniw amser tîo - ond nid yw'r ffigwr yna'n adlewyrchu'r arian y mae'r golffwyr hefyd yn ei wario ar bethau fel llety, petrol, bwyd a diod ac eitemau eraill, yn ystod eu harhosiad.

"O Ganolbarth a Gogledd Orllewin Lloegr, sef ein prif ardal darged, y daw'r mwyafrif o'r golffwyr sy'n dod i Ogledd Cymru.



Yn y darlun, o'r chwith, David Ames, y Golffwr Proffesiynol yng Nghlwb Golff Prestatyn; Carole Startin Swyddog Marchnata Gweithredol, Partneriaeth Twristiaeth Gogledd Cymru; David Ame, Llywydd Clwb Golff Prestatyn; Roger Lewis, Partneriaeth Twristiaeth Gogledd Cymru, a Nick Kitchen, Clwb Golff Gogledd Cymru.

“Mae’n galonidd fod Cwpan Ryder wedi creu llawer iawn o ddiddordeb yr ochr draw i’r lwerydd, yn Unol Daleithiau America.

“Mae mwy a mwy o olffwyr Americanaidd yn darganfod ein cyrsiau rhagorol yma yng Nghymru.

“Bu ein penderfyniad i ganolbwyntio ein hymdrechion ar-lein yn hynod o bwysig. Mae’r gallu i archebu ar-lein bob awr o’r dydd a’r nos yn hollbwysig.

“Mae’r system yn galluogi pobl i archebu lle ar hyd at chwe chwsr ar y tro, felly gallwch drefnu wythnos gyfan o chwarae golff gyda’i gilydd.

“Rydym hefyd yn gweithio gyda’n cydweithwyr yn Croeso Cymru i gynyddu ein hymdrechion marchnata mewn ffordd gydgyssylltiedig a chyfleu ein neges i’r byd.

“Yn ogystal â hynny, rydym yn cynnal cystadleuaeth fawr yr haf yma i un person ennill taleb 4-pêl ym mhob un o’n 30 prif glwb.

“Mae hyn yn cysylltu â phencampwriaethau proffesiynol yr haf Cwpan Ryder yng Nghymru, a gynhelir yng Nghonwy a Harlech.

“Rwy’n meddwl fod hon yn flwyddyn allweddol i ni. Rhaid i ni fanteisio i’r eithaf ar y cyfleoedd sy’n dod yn sgil Cwpan Ryder a chynnal y momentwm ar ôl hynny.

“Mae gennym gyrsiau ardderchog yma yng Ngogledd Cymru, yn gyrsiau parcdir a chysiau ar y twyni.

“Maen nhw’n cynnig gwerth gwych am arian - mae rhai o’n hamseroedd tïo yn cynnig y gwerth gorau yn Ewrop - felly mae gennym gynnyrch golff gwerth chweil i’w gynnig.

“Ymrwymiad y clybiau i dwristiaeth golff a’n partneriaeth gydag awdurdodau lleol sy’n gyfrifol am lwyddiant y cynllun yma.”

Am fwy o wybodaeth ewch i:
www.golf-northwales.co.uk
neu ffoniwch 0845 450 5885.

golf north wales

bookings hotline: 0845 450 5885

HOME

Golf North Wales Online Booking Facility

To book online please choose the date you want to play to show availability for a two week period, then select the course and the specific date for that course.

Select your course and date in the range 05/08/2010 +/- 7 days

Select Course 1 Select Course 2 Select Course 3 Select Course 4 Select Course 5 Select Course 6
Select Date 2 Select Date 3 Select Date 4 Select Date 5 Select Date 6

Search For Availability

Payment

Please read the following Terms and Conditions carefully before booking a tee time